



Anisi Ngeni Ekkewe Mei Mwukeno Repwe Angei Opposun Eppetin COVID-19: Toolkit ngeni Chon Anganga

Tettenin Masowan

1. Ew pworous seni ewe Oregon Health Authority	1
2. Auchean Pworous fan iten Mei Mwuk.....	4
3. Sinei Me Mwen Kopwe Feino	9
4. Kapas eis Ren FAQ	12
5. Taropwen Template ren Email	17
6. Mwochomwochen newsletter	20
7. Ekkewe social card/copy ren infographic	21

1. Ew pworous seni ewe Oregon Health Authority

Ewe Oregon Health Authority mei kinisou ngonuk ren omw anisi ngeni ekkewe mei mwukeno ar repwe angei ar opposun eppet. Sipwe sopwono ne pachenong met masowen non ei toolkit. Sia achocho ngeni pwe fan ruw iteiten wiik epwe kan wor minafon pworous epwe katou.

Kich mei menei omw aninis ren an ekkewe mei mwuk repwe sinei pworous mei auchea repwe sinei ren ekkewe opposun eppetin COVID-19. Non February 8, 2021 ekkei mei mwuk ier 80 feita ra tongeni pwoputa ne angei ar opposun eppetin COVID-19. Ekkewe mei mwuk ren ier 65 feita repwe tongeni pwan angei ar opposun eppet me murin 3 wiik. Meininis mei mwuk ier 65 feita repwe tongeni angei ar opposun eppet nesopwonon February.

Ekewe opposun eppet mei nafangaw. A wor nap seni ukukun 750,000 aramas ier 65 feita non Oregon. Iteiten chon Oregon ra ierin watte repwe

tongeni angei ar opposun eppet, nge napengeni ekkewe ra ierin watte resapw tongeni angei ar oppos non fituw wiik.

Non ekkei wiik repwe eto, kich mei sinei pwe epwe wor ekkewe mei mwuk repwe ir mei mochen repwe angei ar opposun eppet nap seni ukukun met opposun eppet mei wor. **Sia tingor omw aninis fan iten an ekkewe mei mwuk repwe weweiti ifan usun nonomwun ei angang.** Non fansoun an ekkewe chon atoura ewe opposun eppet resapw tongeni tour ngeni ekkewe mei mwuk ren appointment nupwen ra mochen, kich mei tongeni ngenir ekkoch pwan aninis ren ar repwe sinei tichikin pworous fan iten ewe opposun eppet me inet fansoun.

Non February 8, 2021, Ewe Oregon Health Authority repwe atoura u ew minafon angangen aninis won [covidvaccine.Oregon.gov](https://www.covidvaccine.oregon.gov) itan **Angei Omw Opposun Eppet Oregon.** Ei mettoch epwe tongeni anis ngeni aramas ar repwe sinei ika pwe ra tongeni repwene angei ewe opposun eppet iwe pwan register ren an epwe kan wor esinesin ngenir won email ika text nupwen fansoun ra tufichin repwe angei. Nupwen ra tufichin repwe angei ewe opposun eppet, ei mettoch epwe anisi ngeni chon nomw won ren fansoun epwe wor angangen oppos me non ar kewe kinikin. Ei mettoch epwe suk ngeni meinis chon Oregon. An emon epwe nomw won ei mettoch esapw wewen pwe ewe chon nomw won a fatengeni tichikin "tetenin non nainen chon utiwit". Nupwen ra tufichin repwe angeni ewe opposun eppet, ekkewe chon nomw won ewe mettoch repwe tongeni nounou ar repwe kuta ian epwe fis ian angangen oppos me non ar kewe kinikin.


Ekkewe kukun sopw ren Multnomah, Washington, Clackamas, Columbia, me Marion ra fori ew ar sokkun angangen appointment/ranin angei ewe opposun eppet. Ekkei sokkun nikinikin angang ka tongeni kuna me won ewe **Sokkun Pworousen Angangen Opposun Eppet** (ewe Chat Bot), ew pwor mei orange onuwan mei nomw fachikin me won penifichin ewe [covidvaccine.oregon.gov](https://www.covidvaccine.oregon.gov). Chommong ngeni pwan ekkoch kukun sopw ra wanong tingorun pwe ei mettoch epwe sopwosopwono ne fori aninisin angangen opposun eppet tori an epwe tongeni pwan nomw non ewe kinikinin Angei Omw Opposun Eppet Oregon ewe epwe tou non ei wiik. Ei mettoch mei won non Foosun Merika me Spanish.

Sia anean pwe ei epwe tongeni ekisano an aramas osukosuk me weires non fansoun ach sipwe angang fengen ne anisi ekkewe ir mei mwukeno non ei fansoun nupwen ekkewe opposun eppet mei chiwen chok nafangaw ukukun ngeni an epwe anisi unusen U.S me ikei non Oregon.

Nap seni ukukun 115,000 aramas ierir 60 me watte seni nge ra fen angei ar opposun eppet anongonong won met wiser ren chon angangen pekin pioing, chon osukun ika pwan ekkoch mwiich minne ra tufich ngenir ar repwe angei. Chon angangen pekin health an state ir mei ani kouk pwe epwe ukukun fituw wiik an epwe fis angangen opposun eppet ngeni ekkewe nap seni 7 me non 10 ekkewe mei mwuk ier 65 me watte seni. Ei ew nios fan mei awewetiw ukukun unusen chon ra tufichin repwe angei ewe opposun eppet me ukukun oppos mei wor non ei fansoun non Oregon:

Oumoum Ren Wattenon Ukukun

Ukukun Oppos mei Wor Ren Ewin Oppos vs. Chochon Sokkun Aramas Mei Ururoch Naenir



Meinisin mei mwuk mei ururoch ngenir repwe tongeni angei ar opposun eppet nesopwonon February. Ikei ekkei pwinin maram ren fansoun ekkewe ra watte ierir 65 me watte seni ra tongeni pwopwuta angei ar opposun eppet:

Ion	Inet	Fitemon Ukukun Watte	Phase
80 ierir me watte seni	February 8	168,000	1B, Kumien 2

75 ierir me watte seni	February 15	134,000	1B, Kumien 3
70 ierir me watte seni	February 22	206,000	1B, Kumien 4
65 ierir me watte seni	March 1	258,000	1B, Kumien 5

Ka tongeni kopwe anisi pwonueta angangen opposun eppet ngeni ekkewe mei mwuk.

Seni nepwoputan ei pandemic, Oregon mei akkoumwa non kokot tumwunun ekkewe mei mwuk. Ika mwo mei watte mei mano ren COVID, Oregon mei nomw non tetenin namparu me fan ren ukukun aramas mei mwuk ir mei torir COVID-19, me pwan nampa unungat me fan ren ukukun mei mwuk mei mano ren ei semwen, non unusen ei fonu.

Omw fitikich me aninis non ei angang mei anisi tumwunun manaw. Kich mei fokkun mochen sipwe atoura ngonuk pworous non ach sipwe sopweno ne fori an Oregon we prokramen angangen opposun eppet. Kinisou ren meinisin met en mei fori.

2. Auchean Pworous fan iten Mei Mwuk

Ei kinikinin fan ekkoch auchean pworous kopwe tongeni nounou fansoun pworous ngeni ekkewe mei mwuk.

- **Ei pandemic mei watte an efeiengaw ngeni ekkewe ra ierin mwukeno.** An ei state iwe kokot ren angangen atoura opposun eppet mei akkoumwa ekiekin ekkewe ra ierin mwukeno pwokiten ir repwe kon mefi efeingawan ngeni pochokunen inisir nupwen epwe torir ewe monun semwen.
- **Iteiten chon Oregon ra ierin watte repwe tongeni angei ar opposun eppet, nge napengeni ekkewe ra ierin watte resapw tongeni angei ar oppos non fituw wiik.**
 - Kose mochen kopwe nikituw ngeni.
 - Epwe chommong ngeni ekkewe ra ierin mei mwuk repwe mochen angei ar opposun eppet nge chokukun oppos mei wor. Chon angangen pekin health an state ir mei ekieki pwe epwe ukukun fituw

wiik an epwe tongeni naf opposun eppet ngeni ekkewe nap seni 7 me non 10 ekkewe mei mwuk ier 65 me watte seni.

- Wewen ei pwe naman kopwe tongeni nomw non ew kumi ir *ra tongeni* repwe angei ewe opposun eppet nge repwe chok chiwen utiwit ngeni fansoun. Epwe chok anongonong won ifan ukukun opposun eppet mei tou seni ewe mwuunap mei tori ach ei state.
- **Esapw mwo wor omw appointment omw kopwe chuto ren iei.** Ekkewe opposun eppet mei chiwen nafangaw nge iteiten wiik mei chok wor sopwosopwun oppos mei tori ach ei state. Ren iei, meinisin ion mei mochen epwe wor ar appointment ren ar repwe angei ewe opposun eppet repwe en me angei ew, nge epwe chok tam fansoun. Non fansoun an ekkewe chon atoura ewe opposun eppet resapw tongeni awora ngonuk omw appointment nupwen fansoun ka mochen, kich mei tongeni ngonuk ekkoch pwan aninis ren om kopwe sinei tichikin pworous fan iten ewe opposun eppet me inet fansoun.

Mei wor ruu sokkun anen omw kopwe tongeni sinei pworousen ewe angangen opposun eppet:

- **MINAFON KINIKININ PWOROUS won [covidvaccine.Oregon.gov](https://www.covidvaccine.oregon.gov):** An OHA website ren opposun eppet mei watiw pworous mei pwung fan iten ekkewe opposun eppetin COVID-19. **Seni non February 8, 2021**, ewe website a pwan pachenong minafon anen touren pworous, **Angei Omw Opposun Eppet Oregon**. Ei mettoch epwe tongeni anis ngeni aramas ar repwe sinei ika pwe ra tongeni repwene angei ewe opposun eppet iwe pwan register ren an epwe kan wor esinesin ngenir won email ika text nupwen fansoun ra tufichin repwe angei. Nupwen ra tufichin repwe angei ewe opposun eppet, ei mettoch epwe anisi ngeni chon nomw won ren fansoun epwe wor angangen oppos me non ar kewe kinikin. Ei mettoch epwe suk ngeni meinisin chon Oregon. An emon epwe nomw won ei mettoch esapw wewen pwe ewe chon nomw won a fatengeni tichikin "tetenin non nainen chon utiwit". Nupwen ra tufichin repwe angei ewe opposun eppet, ekkewe chon nomw won ewe mettoch repwe tongeni ar repwe kuta ian epwe fis ian angangen oppos me non ar kewe kinikin.
 - **Non ewe Feb 5, 2021** minafon pworousen ewe opposun eppet ngeni ekkewe kukun sopw epwe pacheta won ach iwe website won [covidvaccine.Oregon.gov](https://www.covidvaccine.oregon.gov) an epwe pachenong pwan tichikin pworous ren ian ekkewe mei ierin mei mwuk repwe tongeni angei me ian ar opposun eppet me non ar kewe kinikin.

- **211:** Ekkewe chon Oregon mei mwukeno ra pwan tongeni text ORCOVID ngeni 898211 an epwe wor minafon pworous epwe text ngenir (Foosun Merika me Foosun Spanish) ika email ngeni ORCOVID@211info.org. Ika pwe ese ponuw ar kapas eis ren fan iten ewe angangen opposun eppetin COVID-19 me won ewe website, won text, ika won email, ra tongeni kokori 211 ika 1-866-698-6155, ewe mei suk seni kunok 6 nesosor ngeni kunok 7 nepwin iteiten ran, pachenong non ekkewe ranin asese. Mei och kopwe weweiti pwe epwe men tam omw kopwe utiwit fansoun omw koko pwokiten mei chommong chon pwan kokonong. Mei wor ena ew mei pwan afata ren omw kopwe koko sefan nap seni omw kopwe utiwit ngeni an epwe wor emon epwe ponuenuk (non foosun Merika me foosun Spanish). Mei wor aninisin chiaku non foosun ekis ika pwan ekkoch fonuw. TTY: Tiki 711 ika kokori 1-866-698-6155.

PWATA sipwe angei opposun eppetin COVID-19?

- **Ka tongeni tumwunuw inisum me anisi an epwe kouno ei pandemic ren omw kopwe angei ewe opposun eppetin COVID.** An emon epwe angei ewe opposun eppetin COVID-19 ina ew mwurinon anen an epwe tumwunuw inisum, omw famini me iokewe ir mei arapakan ngonuk, me omw we community.
- Kich mei weweiti pwe ekkoch aramas repwe ani ekiek me kapas eis fan iten ewe opposun eppet, nge a fen wor pwanon pwe mei murino me wor imanan. Ewe U.S. Food and Drug Administration (FDA) ra mwutata ewe ewin Emergency Use Authorizations (EUA) fan iten ewe opposun eppetin COVID-19 seni ekkewe angangen ososot mei fis, mei pwarano pwe ir mei tumwun me wor imaner. Met ewe mei fat pwe pwan ina namwotan an emon epwe angei ewe opposun eppet mei nap seni met mei fat pwe pwan ina efeiengawen an emon epwe tori COVID-19.
- Non an epwe chomongono aramas repwe angei ewe opposun eppetin COVID-19, a ina murinnon ngeni meinisin. Fansoun sia kuna pwe a naf ukukun aramas repwe angei ewe opposun eppet, sia tongeni kuna atongeach kewe me pwan eksiwini sefani nonomuch ngeni usun nonomwuch me mwan.

ION epwe tongeni angei ewe opposun eppetin COVID? INET?

- Mei chommong ngeni kinikinin ekkewe kumien aramas ra tufichin repwe angangei ewe opposun eppet iei
 - Phase 1A mei pachenong chon angangen pekin pioing me pwan ekkoch kumien aramas, kose mochen no ngeni ewe [covidvaccine.Oregon.gov](https://www.covidvaccine.Oregon.gov) ren tichikin pworousen iteiten kumien aramas.
 - Phase 1B mei pachenong chon osukun me chon angang non ekkewe sukunen mwuun me namanam seni K-12, chon tumwunuw me chon angang non ekkewe nenien tumwunun semirit, me chon osukun me chon angang non ekkewe nenien osukunen semirit.
- Kose mochen no ngeni ach we website won [covidvaccine.Oregon.gov](https://www.covidvaccine.Oregon.gov) omw kopwe kuna unusen ewe iteiten kumien aramas non Phase 1A ir ra tufichin repwe angei me pwan no ngeni omw kopwe kuna met minafon pworous mei tichikitiw ren meni kumi ra tufichin repwe angei.

Ikei ekkei pwinin maram ren inet fansoun ekkewe ra watte ierir 65 me watte seni repwe angei ar opposun eppet:

Ion	Inet	Phase
80 ierir me watte seni	February 8, 2021	1B, Kumien 2
75 ierir me watte seni	February 15, 2021	1B, Kumien 3
70 ierir me watte seni	February 22, 2021	1B, Kumien 4

**65 ierir
me watte
seni**

March 1, 2021

1B, Kumien 5

Niosun tichikin pworous

lei ew nios ren tichikin pworous mei awewetiw ion a tufichin epwe angei iei. *Kose mochen tiki won ena nios mei nomw fan ren omw kopwe kuna met minafon kinikinin pworous. Ena nios fan ina met minafon nios minen non ewe February 10, 2021*

Phase 1A December 12, 2020

Meinisin chon non Phase 1, Kuumi 1,2,3 me 4 ir mei pwan tongeni angei ewe opposun eppet.

Kuumi 1

- Chon angangen pioing ir mi fori angangen tumwunun mei semwen
- Imwen Safei
- Imwen tumun mei unuseoch pisekin me imwen tumunun mei ngaw ar ekiek (HCP) me chon nom ie
- Prokramun tumunun semwen ren ekkewe tribal
- Chon Atawei Pekin Tumunun Semwen Fansoun Atapwanapwan (EMS) me pwan ekkoch chon atawei osukosuk akomw
- Meinisin chon chiaku ren pekin pioing me chon angangen pioing non neni ese nifinifin non ei Phase 1a

Kuumi 2

- Pwan ekkoch nenien tumwunun mei apwangapwang, pachenong meinisin chon angangen HCP ir mei kamo me rese kamo, meinisin chon angang me contractor, pachenong chon nonomw a tori ewe koukun ier ren:
 - Imwen tumunu mei apwangapwang
 - Nenien ekkewe mei mwuk ese wor ar famini
 - Ekkewe imw fan iten aramas mei osukosuk ar ekiekir me terin inisir
 - Pwan ekkoch mei ochufengen nenien pekin tumwun
- Prokramun hospice
- Pekin aninisin mokutun inis me met mei wewe ngeni
- Chon angang non nenien kanapus

Kuumi 3

- HCP non nenien outpatient chon aninis ren ekkewe kinikinin mei fakkun wattedsemwen rer
- Pekin aninis ika safei neran
- Pekin uwei chon repwe no safei ese-atapwanapwan (NEMT)
- Chon tumwun ir mei kamo ika rese kamo (pachenong sam me in ika ekkewe sam me in ra wisen anomwu ekkewe semirit) ren ekkewe semirit mei apwangapwang ika mei mwuk ir mei nonomw non imw
- Mei mwuk me semirit ra tori ierir mei wor pusin ar watten semwen ika ir mei wor tufichingawen an inisir ekkewe ir mei kan wor angangen tumwun ngenir non imw

Kuumi 4

- Pwan ekkoch HCP non outpatient
- Pwan ekkoch chon angangen HCP ion mei awora angangen aninis ngeni ion aramas mei wor ren IDD me pwan ekkoch sokkun mwichen aramas ir mei nomw non tetenin pwe repwe mutir tori feiengawen ewe semwen.
- Pwan ekkoch kinikinin neni an public health, awewe ren HCP ir mei aninis ren WIC, ika ekkewe CBO ir mei tongeni mecheres touren ewe semwen ngenir ika esapw mecheres

Aramas mei ururoch ngenir:
400,000 arapakan epwe ukukun

Phase 1B

Pekinon Pwinin Maram TBD

Ukukun oppos an Oregon mei chok eukuk. Ach kouk ngeni pwe epwe tori nepwoputan April 2021 an epwe fis angangen ewin oppos ngeni meinisin chon non ekkewe Kumien 1-5 ren Phase 1B ion mei mochen epwe angei.

Kuumi 1

- Chon angangen nenien tumwun semirit, ekkewe rekeran poputa ne sukun me pwan chon osukun me angangen K-12 **Wiik a ururoch ngenir ren January 25, 2021.**

Kuumi 2

- Aramas 80 ierir me nap seni **Mumuta February 8, 2021**

Kuumi 3

- Aramas 75 ierir me nap seni **Mumuta February 15, 2021**

Kuumi 4

- Aramas 70 ierir me nap seni **Mumuta February 22, 2021**

Kuumi 5

- Aramas 65 ierir me nap seni **Mumuta March 1, 2021**

Chon osukun:

152,000 arapakan epwe ukukun

Aramas ierir a nap seni 65:
795,000 arapakan epwe ukukun

Pwan ekkoch kuumi me murin ekkai epwe wor angangen kokot fengen me ewe pekin Vaccine Advisory Committe ren iwe epwe pwan tota porousan won an OHA iwe web page ren opposun COVID-19. Ikkei ekkoch ekkewe kuumien aramas ir mei pwan pachenong:

- Chon angang non neni mei wattedsemwen ie – chon angang non industries mei auchea ngeni nonomun aramas me epwe pwan watte ar repwe churi semwen fansoun angang
- Meinisin aramas ese nifinifin ierir ir mei pwan wor ekkoch ar semwen mine mei pwan tongeni mwitir tori feiengawen semwen
- Unusen aramas ese nifinifin

Oregon
Health
Authority

OHA 3527A CHUUKES (02/10/2021)

HOW usun an ekkewe mei mwukeno repwe tongeni angei ewe opposun eppetin COVID-19?

- Ren mwo iei, ekkewe mei ierin me mwuk ra tufichin repwe angei ewe opposun eppet me non ach kewe public health authority non neniach kewe ika chiechier chon aninis non ei angang, pioing, nenien fori angangen opposun eppet, me pwan ekkoch ekkewe pharmacy (me non ekkewe nenien tumwunun mei apwangapwang).
- **Ekkewe nursing home, ekkewe nenien tumwunun mei apwangapwang me pwan ekkoch neni mei lisenca ren Nenien-Tumwun-non Nakatamen Fansoun:** Chiechiach pharmacy ra fori angangen oppos ngeni chon nonomw me chon angangen ekkewe nenien tumwunun mei lisenca ren angangen tumwunun mei mwuk me aramas mei wor tufichingawen inisir. Chon nonomw (ika chochon famini) ir mei tongeni kapas eis ngeni ekkewe chon omwokutu ekkewe nenien tumwunun ika inet fansoun epwe wor angangen opposun eppet ngeni nenier we.
- Ren mwo iei, pwokiten mei kukun ach pisekin opposun eppet, noum we dokter (om we nenien safei) esapw wor opposun eppet epwe torir.
- **MINAFON KINIKININ PWOROUS won [covidvaccine.Oregon.gov](https://www.covidvaccine.oregon.gov):** An OHA website ren opposun eppet mei watiw pworous mei pwung fan iten ekkewe opposun eppetin COVID-19. **Seni non February 8, 2021**, ewe website a pwan pachenong minafon anen touren pworous, **Angei Omw Opposun Eppet Oregon**. Ei mettoch epwe tongeni anis ngeni aramas ar repwe sinei ika pwe ra tongeni repwene angei ewe opposun eppet iwe pwan register ren an epwe kan wor esinesin ngenir won email ika text nupwen fansoun ra tufichin repwe angei. Nupwen ra tufichin repwe angei ewe opposun eppet, ei mettoch epwe anisi ngeni chon nomw won ren fansoun epwe wor angangen oppos me non ar kewe kinikin. Ei mettoch epwe suk ngeni meinis chon Oregon. An emon epwe nomw won ei mettoch esapw wewen pwe ewe chon nomw won a fatengeni tichikin "tetenin non nainen chon utiwit". Nupwen ra tufichin repwe angei ewe opposun eppet, ekkewe chon nomw won ewe mettoch repwe tongeni ar repwe kuta ian epwe fis ian angangen oppos me non ar kewe kinikin.
 - **Non ewe Feb 5, 2021** minafon pworousen ewe opposun eppet ngeni ekkewe kukun sopw epwe pacheta won ach iwe website won [covidvaccine.Oregon.gov](https://www.covidvaccine.oregon.gov) an epwe pachenong pwan tichikin pworous ren ian ekkewe mei ierin mei mwuk repwe tongeni angei me ian ar opposun eppet me non ar kewe kinikin.

3. Sinei Me Mwen Kopwe Feino

Ekkei mei tetenitiw ekkoch aninisin pworous kopwe tongeni anisi ngeni ekkewe ra ierin mei mwuk nupwen ra tongeni angei ar opposun eppet. Sefaniti, sia pesei

ngonuk omw kopwe afataeochu non ekiekir pwe epwe tongeni ukukun fituw wiik me mwen repwe tongeni angei ar opposun eppet.

- **Opposun eppetin COVID-19 ir mei [murinno pwan wor imaner](#).**
 - Ew opposun eppet es chok angangen epeti semwen. Ewe opposun eppet epwe fori an inisum epwe pochokun ne fiu ngeni ewe COVID-19 me pwan anisuk an esapw watte ngonuk weiresin ewe semwen COVID-19 nupwen epwe toruk.
 - Ese tongeni an epwe toruk COVID-19 seni ewe opposun eppet.
- **Opposun eppetin COVID-19 ese kamo om kopwe angei.**
 - Opposun eppetin COVID-19 epwe kawor ngonuk non omw kosapw moni. Kosapw pwan nounou noum health insurance. Ika pwe mei wor noumw health insurance, ewe chon oppos epwe tongeni an epwe fori omw we insurance epwe monatiw niwinin an kawor ngonuk ewe oppos. Wewen pwe epwe wor kapas eis epwe tour ngonuk ren pworousen om we insurance nupwen kopwe angei om we opposun eppetin COVID-19.
- **Nengenifichi ren angangen kirikiringaw ren moni.**
 - Chon angangen public health me chon aninis ren pekin pioing resapw tongeni repwe kapas eis ngonuk ren moni, nampan omw account, noum credit card, ika nampan noum social security. An emon epwe kapasen amomo ika epwe tiini ngonuk ewe opposun eppet iwe pwan ikena ekkoch angangen kirikiringaw ren moni.

Murin Angangen Opposun Eppet

- **Mei menei om kopwe angei ruw oppos ren ewe opposun eppet.**
 - Ren napengeni sokkun opposun eppet, mei menei pwe kopwe angei ruw opposun. Kopwe angei ewe oruwen oppos non 3 ika 4 wiik me murin ewe ewin oppos. Mei auchea om kopwe angei ekkewe ruw oppos ren an epwe fetan angangen ewe opposun eppet.
 - Pworous ngeni iowe e ngonuk ewe ewin oppos ren inet kopwe tongeni angei ewe oruwen oppos. Kopwe chok pwan angei omw we oruwen oppos me iawe ke angei me ian omw we ewin oppos. Fori ei me nukun chok ika pwe ewe kangof ika dokter epwe eureurok om kopwe angei omw we oruwen oppos me pwan ekis.

- **Ren mwo iei menei om kopwe chok pwan aea pwonupwonun aaw me pwot me atowawa inisum seni emon me murin omw ka angei ewe opposun eppet.**
 - Sise tongeni niwin sefaniti ussun nonomwuch me mwan ika pwe ese mwo naf ukukun aramas repwe angei ewe opposun eppet. Nge ren iei sise mwo sinei ika pwe emon aramas a fen angei me rufoch ewe oppos epwe pwan tongeni chiwen chou fetan ewe COVID-19 me ren. Sise mochen pwe epwe chou sonuk ngeni pwan ekkoch aramas rese mwo angei ar opposun eppet iei. Mei auchea pwe:
 - Sopweno aea pwonupwonun aaw me pwot
 - Epwe ukukun 6 fit towawen nefinomw me ekkoch
 - Tonu poum
 - Kosapw namotam nein aramas ouse nonomw fengen
 - Eukuku ami oupwe nomw arapakan fengen me aramasen non imwom we

- **Murin om angei ewe opposun eppetin COVID-19, epwe wor ekkoch pekingawan epwe toruk.**
 - Ekkei pekingawan epwe fis wewen pwe ewe opposun eppet mei fetan an angang an epwe anisi pochokunen inisum. Me murin omw angei ewe opposun eppetin COVID-19, mei tongeni pwe epwe metek won sopwun poum we. Ina epwe wor metekitek non futuken inisum, metekitek ne kupun chuumw, menunnu pekus, metek mokur, fou, ika fen pwichikar. (Pwichikar ese kon napengeni an epwe fis.)
 - Fan ekkoch ekkei pekingaw ekan fis epwe tongeni fori omw kosapw fori met en mi kan fofori non fituw ran. Napengeni ekkei pekingawan epwe tongeni wes sonuk murin fituw ran.

- **CDC a fen fori pwan ew sokkun angang sipwe tongeni fiti, v-safe.**
 - V-safe epwe anisuk omw kopwe nenengeni me esinesin ren ekkoch pekingawan en mei mefi. V-safe mei pwan tongeni an epwe achema ngonuk inet fansoun omw kopwe angei omw we oruwofochun oppos. Ewe neni ke angei om we opposun eppet me ian epwe ngonuk sopwosopwun pworous ren ewe V safe. Ka tongeni sopweno ne kaeo ngeni pworousen V-safe Pochokunen Inis Murin Angangenen Opposun Eppet

Cheki <https://www.cdc.gov/coronavirus/2019-ncov/vaccines/safety/vsafe.html>.

- **Ewe chon ngonuk omw we opposun eppet epwe ngonuk echo card taropwen oppos – kosapw poutano!**
 - Ei card epwe afata ngonuk meni opposun eppet COVID-19 ka angei, ewe pwinin maram en ka angei non, ian ke angei me ian, iwe pwan inet kopwe angei omw oruwen oppos.

4. Kapas eis Ren FAQ

Ekkei mei tetenitiw fan ekkoch kapas eis ekkewe mei mwuk repwe tongeni eisinuk. Mei auchea epwe afatafateoch pwe ese fokkun naf ekkewe opposun eppet chok fan ew iwe eni epwe tongeni ukukun fituw wiik me mwen repwe tongeni angei ar opposun eppet.

1. **Ian upwe angei ewe opposun eppet me ia?** Ekkewe opposun eppet mei mwo naffangaw ren eiei nge epwe fetan ngeni epwe kawor ukukun an epwe naf ngeni meinisin chon mochen angei. Ren mwo iei, ekkewe neni ir mei awora ekkewe angangen opposun eppet — **nupwen fansoun a wor rer** — mei pachenong ekkewe public health authority non neniach kewe ika chiechier chon fori ewe angangen oppos, pioing me pwan nenien awora oppos. Nupwen fansoun epwe chomongono ukukun ekkewe opposun eppet, iwe ka tongeni kopwe angei ewe opposun eppet me non pwan ekkoch neni. Ren mwo iei, pwokiten mei kukun ach pisekin opposun eppet, noum we dokter (om we nenien safei) esapw wor opposun eppet epwe torir. En mei pwan tongeni sinei pworoussen anen aninisin ewe oppos seni ewe pekin news. Ekkei neni mei tongeni anisi ngonuk omw kopwe fori omw appointment ren om kopwe angei omw oppos.
2. **Epwe ifan usun ai upwe sinei ika ngang uwa tufichin upwe angei ewe opposun eppet?** No ngeni ewe [covidvaccine.Oregon.gov](https://www.covidvaccine.Oregon.gov) me pwan nounou ewe **MINAFON angangen aninisin Angei Omw Opposun Eppet Oregon**. Mei forutiw pwe epwe anisuk omw kopwe tongeni weweiti ika pwe en mei tufichin angei. Mei och kopwe register an epwe no ngonuk minafon pworoussen fansoun kopwe tufichin angei ewe opposun eppet. Ika en mei menei emon epwe anisuk om kopwe register, tingorei emon epwe anisuk ika kokori ewe 211:

- a. Text ORCOVID ngeni 898211
- b. Email ngeni ORCOVID@211info.org
- c. Kokori 211

3. Inet upwe tongeni angei ai opposun eppet? Seni non February 8, [iei ei tetenin iteiten](#) ion ra tongeni angei ewe opposun eppet. Napengeni ekkewe ra ierin me mwuk resapw mwo tongeni ar repwe fori ar appointment ren ar repwe angei ewe opposun eppet non ekkei fituw wiik. Ka utiwit non nakatamen fansoun. Mei aweires omw kopwe utiwit ngeni nge sia tingor ika kose mochen pwan nikituw ngeni. Sia anongonong won kaworen ekkewe opposun eppet seni ewe mwuunap. Ekkoch ekkewe kukun sopw ir mei chiwen fori angangen oppos ngeni ekkewe watte ir ra tufichin angei iwe nge kaworen ewe opposun eppet seni ewe mwuunap mei nafangaw.

4. Ian upwe tongeni kuna me ian pwan sopwosopwun pworous?

No ngeni [covidvaccine.Oregon.gov](https://www.covidvaccine.Oregon.gov).

Text ORCOVID ngeni 898211 an epwe wor text/SMS epwe toruk ren minafon pworous (Foosun chok Merika me Spanish).

Email ngeni ORCOVID@211info.org.

Ika pwe ese ponuw omw we kapas eis ren fan iten ewe angangen opposun eppetin COVID-19 me won ewe website, won text, ika won email, kokori ewe center ren pekin kokonong won 211 ika 1-866-698-6155. Mei suuk seni kunok 6 nesosor ngeni kunok 7 nepwin iteiten ran, pachenong non ranin holiday. Omw utiwit fansoun omw koko epwe men tam pwokiten mei chommongchon pwan kokonong. Mei wor ena ew mei pwan afata ren omw kopwe koko sefan nap seni omw kopwe utiwit ngeni emon epwe ponuenuk. Foosun Merika me Spanish ikena met foosun won ena center ren pekin kokonong. Mei wor aninisin chiaku non foosun ekis ika pwan ekkoch fonuw. TTY: Tiki 711 ika kokori 1-866-698-6155.

MINAFON KINIKININ PWOROUS won [covidvaccine.Oregon.gov](https://www.covidvaccine.Oregon.gov):

An OHA website ren opposun eppet mei watiw pworous mei pwung fan iten ekkewe opposun eppetin COVID-19. **Seni non February 8, 2021**, ewe website a pwan pachenong minafon anen touren pworous, **Angei Omw Opposun Eppet Oregon**. Ei mettoch epwe tongeni anis ngeni aramas ar repwe sinei ika pwe ra tongeni repwene angei ewe opposun

epet iwe pwan register ren an epwe kan wor esinesin ngenir won email ika text nupwen fansoun ra tufichin repwe angei. Nupwen ra tufichin repwe angei ewe opposun eppet, ei mettoch epwe anisi ngeni chon nomw won ren fansoun epwe wor angangen oppos me non ar kewe kinikin. Ei mettoch epwe suk ngeni meinisin chon Oregon. An emon epwe nomw won ei mettoch esapw wewen pwe ewe chon nomw won a fatengeni tichikin "tetenin non nainen chon utiwit". Nupwen ra tufichin repwe angei ewe opposun eppet, ekkewe chon nomw won ewe mettoch repwe tongeni ar repwe kuta ian epwe fis ian angangen oppos me non ar kewe kinikin.

- **Non ewe Feb 5, 2021** minafon pworousen ewe opposun eppet ngeni ekkewe kukun sopw epwe pacheta won ach iwe website won [covidvaccine.Oregon.gov](https://www.covidvaccine.oregon.gov) an epwe pachenong pwan tichikin pworous ren ian ekkewe mei ierin mei mwuk repwe tongeni angei me ian ar opposun eppet me non ar kewe kinikin.

5. Met ID upwe uwei pwe epwe pwarata pwe ngang uwa tufichin upwe angei? OHA ese pwan menei pwe emon epwe uwei met pisekin pwarata ren an a tufichin angei ewe opposun eppet, me ese pwan nomw non kokot pwe epwe wor tingorun awora pisekin pwarata seni ewe chon awora ewe opposun eppet. Ekkewe chon awora oppos repwe chok menei pwe emon epwe pusin apasata, non kapas ika non pwan ew sokkun nikinik, pwe ir ra tufichin angei ewe opposun eppet me mwen ar repwe angei. Epwe kawor ngeni aramas pisekin pwarata pwe ra angei ewe opposun eppet. Kosapw poutano ewe card repwe ngonuk.

6. Epwe fite niwinin? Epwe pwan wor nei insurance ai upwe angei ewe opposun eppet? Opposun eppetin COVID ese kamo om kopwe angei. Kosapw pwan nounou noum health insurance. Ika pwe mei wor noumw health insurance, ewe chon oppos epwe tongeni an epwe fori omw we insurance epwe monatiw niwinin an kawor ngonuk ewe oppos. Wewen pwe epwe wor kapas eis epwe tour ngonuk ren pworousen om we insurance nupwen kopwe angei om we opposun eppetin COVID. Chon awora ewe opposun eppet resapw fori pwe *kopwe moni* omw we opposun eppet, nge

mei chok auchea omw kopwe nukei pworousen omw we insurance ika pwe mei wor noum health insurance.

- 7. Ngang mei menei aninis ai upwe no ngeni ewe clinic nenien opposun eppet. Epwe tongeni kawor ngeniei wa upwe fiti ne no angei ai opposun eppet? Epwe ifan ai upwe kuta aninisi ren ena? Ika pwe en emon monun non ewe Oregon Health Plan nge en mei menei epwe wor wom ne no angei omw opposun eppet, iwe ese kamo omw kopwe fiti ekkewe wa. Kuta ewe [aninisin chitosa seni OHP](#) me non ewe kinikin ke nonomw ia. En mei pwan tongeni kokori omw we [om we plan ren CCO](#).**
- 8. Upwe pwan utiwit non nain? Chommong ngeni ekkewe nenien opposun eppet repwe eis ngonuk omw kopwe akkoum pre-register pun epwe mecheres fetanin ar angangen aninis ngeni nour kewe paitent. Ekkewe watten nenien opposun eppet ir mei pwan angang ngeni pwe ar kewe nenien oppos repwe mecheres ngeni ekkewe ra ierin mei mwuk **me aramas mei wor osupwangen an inisir tongeni**, akkaewin ngeni ekkewe mei weires ngenir ar repwe pusin fetan won ar. Iwe nge eni kopwe pwan utiwit. Sia pesei ngonuk omw kopwe kokot me mwen kopwe angei **me pwan kapas eis ngeni ekkewechon nemeni ekkewe nenien wau oppos ren met sokkun angangen aninis repwe anisi ngonuk ika mei menei pwe repwe anisi ngonuk**.**
- 9. Mei wor nei wechon awora aninisin tumwun ngeniei ren aninisin tumwunun pekin safei me ai upwe appointment ren eni dokter. Repwe pwan tongeni angei ewe opposun eppet nupwen repwe fitiei? Epwe chok tongeni ika pwe noumw wechon tumwunuk a ururun pwe a tufichin epwe angei. Ika pwe noumw wechon tumwun mei [non ewe phase renchon ra tufichin angei](#), iwe ra tongeni repwe angei ewe opposun eppet inet chok fansoun. Ika pwe ese, iwe rese mwo tufichin repwe angei ewe opposun eppet iei.**

Kapas Eis ren Angangen Opposun Eppet

- 10. Met epwe fis me murin ai uwa angei ewe opposun eppet? Ren mwo iei mei menei om kopwe chok pwan aea pwonupwonun aaw me**

pwotatowawainisum seni ekkoch me murin omw angei ewe opposun eppet. Sise tongeni niwin sefaniti ussun nonomwuch me mwan ika pwe ese mwo naf ukukun aramas repwe angei ewe opposun eppet. Sise mwo sinei ika pwe emon aramas a fen angei me rufoch ewe oppos epwe pwan tongeni chiwen chou fetan ewe COVID-19 me ren. Sise mochen pwe epwe chou sonuk ngeni pwan ekkoch aramas rese mwo angei ar opposun eppet iei. Mei auchea sopweno ne aea pwonupwonun aaw me pwot, nomw towaw seni ekkoch non ukukun 6 fiit, tonu poum fansoun meinisin, me kosapw namotam nein aramas ion ouse nonomw fengen non ew imw.

Mei pwan menei om kopwe angei rufoch oppos ren ewe opposun eppet. Ren napengeni sokkun opposun eppet, mei menei pwe kopwe angei ruw opposun. Kopwe angei ewe oruwen oppos non 3 ika 4 wiik me murin ewe ewin oppos. Mei auchea om kopwe angei ekkewe ruw oppos ren an epwe fetan angangen ewe opposun eppet. Pworous ngeni iowe e ngonuk ewe ewin oppos ren inet kopwe tongeni angei ewe oruwen oppos. Kopwe chok pwan angei omw we oruwen oppos me iawe ke angei me ian omw we ewin oppos. Fori ei me nukun chok ika pwe ewe kangof ika dokter epwe eureurok om kopwe angei omw we oruwen oppos me pwan ekis. Kopwe nengeni fichi pwe omw we oruen oppos epwe chok nonofengen me ewe ewin oppos ka fen angei.

- 11. Nge ika uwa nomw ian mei wor COVID-19 ie me murin ai angei ewe ewin oppos?** Ika pwe kopwe nomw non neni mei wor COVID ian, kopwe fiti ngeni an public health kewe ourour ren omw kopwe nomwonong non imwom non ukukun 14 ran ina mwo ika ka fen angei omw ewin oppos.
- 12. Ifan tamen an epwe wor angengen nenengeni nikinikin inisi me murin ai angei ewe oppos?** Epwe wor angangen nenengeni inisum non ukukun 15-30 minich. Wewwen pun mei menei kopwe utiwit non ewe neni ke angei me ian ewe oppos pun ewechon ngonuk ewe oppos epwe nenengonuk me ika pwe en mei kinamwe ese wor osukosukom.
- 13. Ifa ekkewe pekingawen ewe opposun eppet?** Me murin omw angei ewe opposun eppet COVID-19, mei tongeni pwe epwe metek won sopwun poum we. Ina epwe wor metekitek non futuken inisum, metekitek ne kupun

chuumw, menunu pekus, metek mokur, fou, ika fen pwichikar. (Pwichikar ese kon napengeni an epwe fis.) Ekkei epwe fis wewen pwe ewe opposun eppet mei fetan an angang an epwe anisi pochokunen inisum. Ekkei esisinen pwe inisum mei fori an angangen tumwun. Fan ekkoch ekkei pekingaw ekan fis epwe tongeni fori omw kosapw fori met en mi kan fofori non fituw ran. Napengeni ekkei pekingawan epwe tongeni wes sonuk murin fituw ran.

- 14. Ion upwe kokori ika pwe a wor rei ekkewe pekingawen ewe opposun eppet: ewe nenien wau ewe oppos ika nei we dokter?** Pekingawen ewe oppos mei napengeni mei fis me murin an emon angei ewe opposun eppet COVID-19. Ika pwe mei wor met en mei eureki ren ese nifinifin ekkewe pekingawan me murin omw ka suseni ewe nenien oppos, kopwe kokori noumw we dokter. Ika no ngeni nenien safei ika emergency.
- 15. Mei menei pwe upwe sopweno chok ne aea pwonupwonun aaw me pwot me nomw towaw seni ekkoch?** Ren mwo iei mei menei om kopwe chok pwan aea pwonupwonun aaw me pwotatowawainisum seni ekkoch me murin omw angei ewe opposun eppet. Sise tongeni niwin sefaniti ussun nonomwuch me mwan ika pwe ese mwo naf ukukun aramas repwe angei ewe opposun eppet. Iwe nge, sise mwo sinei ika pwe emon aramas a fen angei me ruofoch ewe oppos epwe pwan tongeni chiwen chou fetan ewe COVID-19 me ren. Sise mochen pwe epwe chou sonuk ngeni pwan ekkoch aramas rese mwo angei ar opposun eppet iei. Mei auchea sopweno ne aea pwonupwonun aaw me pwot, nomw towaw seni ekkoch non ukukun 6 fiit, tonu poum fansoun meinisin, me kosapw namotam nein aramas ion ouse nonomw fengen non ew imw.

5. Taropwen Template ren Email

Ei taropwen template ren email epwe tongeni an emon epwe nounou ika fiti ngeni met masowan ren met pworous mei menei epwe tour ngeni ekkewe ra watte mei mwuk en mei aninis ngenir. Mei auchea epwe afatafateoch touren pworous nupwen kopwe pworous ngenir ren angangen ar repwe angei ewe opposun eppet.

Achengicheng [lit],

Sia mochen sipwe esinesin ngonuk pwe fan ei maram, ekkewe watte ra ierin mei mwuk repwene poputa ne angei ar opposun eppetin COVID-19. An emon epwe angei ewe opposun eppetin COVID-19 ina ew mwurinon anen an epwe tumwunuw inisum, omw famini, me omw we community.

Iteiten chon Oregon ra ierin watte repwe tongeni angei ar opposun eppet, nge napengeni resapw tongeni angei ar oppos non fituw wiik.

Non ekkei wiik repwe eto, kich mei sinei pwe epwe wor ekkewe mei mwuk repwe mochen angei ar opposun eppet epwe nap seni ukukun met opposun eppet mei wor. Chon angangen pekin health an state ra ekieki pwe epwe ukukun fituw wiik an epwe fis angangen opposun eppet ngeni ekkewe nap seni 7 me non 10 ekkewe mei mwuk ier 65 me watte seni. Tori an epwe wattenno ukukun oppos seni ewe mwuunap, mei chiwen nafangaw ukukun opposun eppet mei wor.

Wewen ei pwe naman kopwe tongeni nomw non ew kumi ir *ra tongeni* repwe angei ewe opposun eppet nge repwe chok chiwen utiwit. Kich mei fori ukukun met sipwe fori ne anisi ngeni emon me emon ar repwe muttir tongeni tour ngeni ar opposun eppet.

Ewe state me chiechier chon fori angangen oppos ir mei tingor ngeni meinisin an epwe wor ar nikituw ngeni. Kich mei sinei pwe mei wor ekkoch aramas ir mei chiwen utiwit ngeni ar opposun eppet. Ren iei, meinisin ion mei mochen repwe angei ewe opposun eppet repwe en me angei ew, nge epwe chok tam fansoun.

Ewe opposun eppet ese kamo ngeni meinisin chon nomw Oregon.

Iei ei fansoun an ekkewe mei mwuk mei ururoch ngenir repwe tongeni angei ar opposun eppet:

- Aramas 80 ierir me nap seni, poputa non February 8
- Aramas 75 ierir me nap seni, poputa non February 15
- Aramas 70 ierir me nap seni, poputa non February 22
- Aramas 65 ierir me nap seni, poputa non March 1

Omw kopwe kuta ika pwe en mei tufichin kopwe angei me ian kopwe no ngeni ian ren omw kopwe angei omw opposun eppet:

- **No ngeni [covidvaccine.Oregon.gov](https://www.covidvaccine.Oregon.gov)**
- **Text** ORCOVID ngeni 898211
- **Email ngeni ORCOVID@211info.org**
- **Kokori** 211 ika 1-866-698-6155
- (TTY: Tiki 711 ika kokori 1-866-698-6155)

MINAFON KINIKININ PWOROUS: Non February 8, 2021, Ewe Oregon Health Authority repwe atourau ew minafen angangen aninis won ewe [covidvaccine.Oregon.gov](https://www.covidvaccine.Oregon.gov) itan **Angei Omw Opposun Eppet Oregon**. Ei mettoch epwe tongeni anis ngeni aramas ar repwe sinei ika pwe ra tongeni repwene angei ewe opposun eppet iwe pwan register ren an epwe kan wor esinesin ngenir won email ika text nupwen fansoun ra tufichin repwe angei. Nupwen ra tufichin repwe angei ewe opposun eppet, ei mettoch epwe anisi ngeni chon nomw won ren fansoun epwe wor angangen oppos me non ar kewe kinikin. Ei mettoch epwe suk ngeni meinisin chon Oregon. An emon epwe nomw won ei mettoch esapw wewen pwe ewe chon nomw won a fatengeni tichikin "tetenin non nainen chon utiwit". Nupwen ra tufichin repwe angei ewe opposun eppet, ekkewe chon nomw won ewe mettoch repwe tongeni nounou ar repwe kuta ian epwe fis ian angangen oppos me non ar kewe kinikin.

Kich mei sinei pwe epwe wor omw kapas eis fan iten ewe opposun eppetin COVID-19. Kose mochen kopwe sinei pwe ekkewe opposun eppet ra fen wor ar tesinir ren ar repwe kuna ika pwe mei murinno me wor imanan. Ewe U.S. Food and Drug Administration (FDA) ra mwutata ewe ewin Emergency Use Authorizations (EUA) fan iten ewe opposun eppetin COVID-19 seni ekkewe angangen ososot mei fis, mei pwarano pwe ir mei tumwun me wor imaner. Met ewe mei fat pwe pwan ina namwotan an emon epwe angei ewe opposun eppet mei nap seni met mei fat pwe pwan ina efeiengawen an emon epwe tori COVID-19.

Kich mei pwan tongeni anisuk ne ponueni omw kewe kapas eis.

Seni,

[Iten ewe meinapen ewe organization]

6. Mwochomwochen newsletter

Pachenong ekkei sokkun pworous non ewe e-newsletter ngeni ekkewe mei mwuk. Monota ngeni met ir repwe mochen sinei mei auchea an epwe nomw non.

Ekkewe mei mwuk ier 80 feita ra tongeni pwoputa ne angei ar opposun eppetin COVID-19 fan ei maram. An emon epwe angei ewe opposun eppetin COVID-19 ina ew mwurinon anen an epwe tumwunuw inisum, omw famini, iokewe ir mei arapakan ngonuk, me omw we community. **Epwe fituw wiik an epwe tongeni arapakan unusen mei mwuk repwe angei ar opposun eppet.** Mei auchea repwe weweiti pwe non fansoun ar ra tufichin repwe angei ewe opposun eppet, epwe tongeni ku fituw wiik me mwen an epwe naf ukukun opposun eppet ngeni meinisin chon non ewe kumien koukun ier. Chon angangen pekin state re nukuw pwe epwe ukukun fituw wiik an epwe tawe angangen opposun eppet ngeni meinisin ekkewe mei mwuk. Ewe opposun eppet ese kamo ngeni meinisin chon nomw Oregon.

Omw kopwe kuta ika inet kopwene tufichin angei me ian kopwe no ngeni ian ren omw kopwe angei omw opposun eppet:

- **No ngeni [covidvaccine.Oregon.gov](https://www.covidvaccine.oregon.gov)**
- **Text** ORCOVID ngeni 898211
- **Email ngeni ORCOVID@211info.org**
- **Kokori** 211 ika 1-866-698-6155
(TTY: Tiki 711 ika kokori 1-866-698-6155)

MINAFON KINIKININ PWOROUS: Non February 8, 2021, Ewe Oregon Health Authority repwe atourau ew minafen angangen aninis won ewe [covidvaccine.Oregon.gov](https://www.covidvaccine.oregon.gov) itan **Angei Omw Opposun Eppet Oregon.** Ei mettoch epwe tongeni anis ngeni aramas ar repwe sinei ika pwe ra tongeni repwene angei ewe opposun eppet iwe pwan register ren an epwe kan wor esinesin ngenir won email ika text nupwen fansoun ra tufichin repwe angei.

Nupwen ra tufichin repwe angei ewe opposun eppet, ei mettoch epwe anisi ngeni chon nomw won ren fansoun epwe wor angangen oppos me non ar kewe kinikin. Ei mettoch epwe suk ngeni meinisin chon Oregon. An emon epwe nomw won ei mettoch esapw wewen pwe ewe chon nomw won a fatengeni tichikin "tetenin non nainen chon utiwit". Nupwen ra tufichin repwe angei ewe opposun eppet, ekkewe chon nomw won ewe mettoch repwe tongeni nounou ar repwe kuta ian epwe fis ian angangen oppos me non ar kewe kinikin.

7. Ekkewe social card/copy ren infographic

Ikei ekkoch pworous epwe tongeni nomw won asepan kopwe tongeni pwan aninis ne atoura won omw we kinikinin social media. Non meinisin pworous kopwe wau, kose mochen chechemeni mei auchea afatafateochu pworous pwe ese mwo naf ukukun opposun eppet mei wor iwe epwe ukukun fituw wiik me mwen repwe tongeni angei ar opposun eppet.

Inet ekkewe mei mwuk repwe tongeni pwoputa ne angei ar opposun eppetin COVID-19:

ler	Poputa
80+	Feb. 8
75+	Feb. 15
70+	Feb. 22
65+	Mar. 1

covidvaccine.Oregon.gov

Text ORCOVID ngeni 898211

Kokori 211

Ngang mei tongeni angei ewe opposun eppetin COVID-19? Ian upwe no ngeni ia?

No ngeni covidvaccine.Oregon.gov

Text ORCOVID ngeni 898211

Email ngeni ORCOVID@211info.org

Kokori 211 ika 1-866-698-6155

(TTY: Tiki 711 ika kokori 1-866-698-6155)

Sinei Me Mwen Kopwe Feino

Opposun eppetin COVID-19 ir mei:

- murinno pwan wor imaner
- ese kamo ngonuk

covidvaccine.Oregon.gov

Text ORCOVID ngeni 898211

Kokori 211

Mei menei om kopwe angei 2 oppos ren ewe opposun eppet.

Mei auchea angei ekkewe ruw oppos ren an epwe fetan angangen ewe opposun eppet.

Angei ewe oruwen oppos non 3 ika 4 wiik me murin ewe ewin oppos.

Angei me ruw ekkewe oppos non chok ew neni.

covidvaccine.Oregon.gov

Text ORCOVID ngeni 898211

Kokori 211

Ren mwo iei mei menei om kopwe chok pwan aea pwonupwonun aaw me pwotatowawainisum seni ekkoch me murin omw angei ewe opposun eppet.

- Sopweno aea pwonupwonun aaw me pwot
- Epwe ukukun 6 fit towawen nefinomw me ekkoch

- Tonu poum
- Kosapw namotam nein aramas ion ouse nonomw fengen

Mettoch meinisin epwe tongeni niwin sefaniti me mwan ika pwe a naf ukukun aramas ra angei ewe opposun eppet.

covidvaccine.Oregon.gov

Text ORCOVID ngeni 898211

Kokori 211

Me murin omw angei ewe opposun eppetin COVID-19, mei tongeni pwe wor met kopwe mefi ren pekingawan.

Ekkei epwe fis wewen pwe ewe opposun eppet mei fetan an angang an epwe anisi pochokunen inisum.

- Metek sopwun poum
- Metekitek nekupukupun chumw
- Metek mokur
- Pwichikar (ese kon pwan napengeni an epwe fis)
- Metekitek futuken non inisum
- Menunu pekus
- Feew

Napengeni ekkei pekingawan epwe tongeni wes sonuk murin fituw ran.

covidvaccine.Oregon.gov

Text ORCOVID ngeni 898211

Kokori 211

Ka tongeni tumwunuw inisum me anisi an epwe kouno ei pandemic ren omw kopwe angei ewe opposun eppetin COVID-19.

An emon epwe angei ewe opposun eppetin COVID ina ew mwurion anen an epwe tumwunuw inisum, omw famini, me omw we community.

covidvaccine.Oregon.gov

Text ORCOVID ngeni 898211

Kokori 211

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Pworousen Health won 1-971-673-2411, 711 TTY ika COVID19.LanguageAccess@dhsosha.state.or.us